



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

1. Promptè & alacriter Christo Crucem bajulanti in servum perpetuum se offert, dicat consecrat, S. Ignativs Loiola, Hispanus.

Nutzungsbedingungen

urn:nbn:de:hbz:466:1-55449

I
SOCIETAS IESV
AMATRIX, CULTRIX, IMITATRIX
CHRISTI CRUCIFIXI.

DECAS I.

I.

AMATOR CRUCIFIXI

Promptè, & alacriter Christo Crucem
bajulanti in servum perpetuum sese
offert, dicat, consecrat.



D fecit S. IGNATIUS LOIO-
LA, Societatis IESV Condi-
tor, quando visum illud ce-
leberrimum CHRISTI D.

CRUCEM bajulantis, ei Ur-
bem ineunti fuit objectum. De quo,
post vitam Viri Sancti à Romanâ Curiâ
recognitam, & gravi judicio compro-
batam, ac tabulis demum publicis con-
signatam, ita breviter, ac dilucidè scri-
bit verax & elegans Historicus a.

„ Proximè Urbem, Socijs fortè in viâ
„ subsistentibus, usu venit, ut solus in
„ ædiculam desertam secederet. Ibi cùm
„ in precibus animus vehementer ex-
„ arsisser, cælesti quadam voluptate ra-
„ ptus, vidit illicò, audiique rem mi-

I.
IGNATIUS
LOIOLA
Hispanus.

A

rificè

2 SOCIETAS IESV

„ rificè jucundam. Pater enim æternus
„ coruscâ nube circumfusus CHRISTO
„ Filio propter assistenti CRUCEM que in
„ humeris gestanti IGNATIVM ac SO-
„ CIOS suavissimè commendabat, eique
„ illos singulatim velut emancipatos cu-
„ piebat.

„ Visus est annuere Parenti Filius, ar-
„ que eos in clientelam recipere sese
„ ostendit. Mox unà cum CRUCE ad
„ IGNATIVM conversus, ore suavitatis
„ amorisque pleno, Ego vobis, inquit,
„ ROMÆ PROPITIUS BRO. Attulit id
„ ostentum IGNATIO haud dubiam vim
„ gaudiorum: quo etiam Socijs comme-
„ morato, illis ad pericula laboreisque
„ obeundos, nova, quod par erat, alaci-
„ tas incessit.

„ Ex eo die, mirum est, quām inhæ-
„ serit animo nomen IESV. Illuc IGNATI-
„ VVS, ut in Ducem vitæ: illuc assiduè
„ ut in exemplum ferendæ CRUCIS ad-
„ spicere: indidem Religionis suæ con-
„ stituit Titulum figere. Nec pugna-
„ vit illius desiderio Pontifex, sed eam
„ brevi post SOCIETATEM IESV inscripsit.

ME non latet, repertum fuisse hoc
pleno malignitatis seculo Scriptorem,
hominem Ordini nostro infestissimum,
qui malignitate solitâ in Ignatium, non
est veritus, ut multa alia, sic visum
hoc nobilissimum, & omnium histo-
riarum

AMATRIX CRUCIFIXI. 3

riarum monumentis restatissimum per-
negare, & veluti fabellam mundo ob-
trudere. Verum, hominis istius invidi-
ac virulenti livor, malignitas, ac impu-
dentia satis in lucem est protracta; &
confutata abundè inscitia, scripto de
hac re, & similibus libro apologetico: è
quo unum desumo ad firmandam hanc
Praxim, & Exemplum AMATORIS CRU-
CIFIXI DOMINI roborandum b.

Est autem id particula exhortationis
domesticæ, quam habuit Iacobus Lay-
nius Ignatij in itinere Romano Socius,
cum Romæ diceret ad Congregatos,
Anno M.D.LX. & est exscripta è Codice
Concionum Laynij, qui in Tabulario
Romano asservatur. ibi pagina xi. sic
loquitur Laynius.

Primum fundamentum hujus appellatio-
nis (SOCIETATIS IESV, de quâ dicere
ordiebatur) illud, ut mihi videtur, Patri
Nostro fuit, quod nunc adferam. Cum Ro-
mam Senensi viâ veniremus, & Pater mul-
tis spiritualibus motibus, præsertim in Eu-
charistia abundaret, Magister Faber & ego
quotidie Sacrum faciebamus: Ipse non facie-
bat, sed communicabat.

Dixit ergo mihi, impressa sibi à Deo has
verba: Ego vobis Romæ propitius ero.

Quorum cum intelligentiam nescirem, Pater
Nostrus dicebat: Ego nescio quid nobis fu-
turum sit: forsitan CRUCI ROMÆ affige-

mur. Iterum dixit, quod visus sibi esset videre CHRISTVM sublatam in humeros CRUCIB., & propè ipsum Æternum Patrem, qui illi diceret: Volo ut hunc in SERVVM tuum accipias. Itaque IESVS eum recipiebat, dicebatque: VOLO UT MIHI SERVIAS.

Addit præclarus Apologiæ disertissimæ Scriptor, Anno hujus seculi **xxxix.**
 „ ad **iv.** Kal. Octobr. coram frequen-
 „ tissimâ nobilissimaque omnium con-
 „ cione, solennem inter exacti nostri
 „ primi Seculi gratulationem, & ipsa
 „ Missarum solennia facundus Ecclesia-
 „ stes noster de illo Viso, de illis pro-
 „ missis ita differuit, ut, & omnium plau-
 „ su tunc fuerit exceptus; &, quod mul-
 „ to amplius est, ab ipsomet URBANO
 „ **VIII.** cum lætitiam illam suâ nobis
 „ præsentia reddidit augustissimam, pro-
 „ palam fuerit laudatus. Quam profectò
 „ laudem nunquam retulisset, si per
 „ summam audaciam, fabulas in illo
 „ præclarissimo Orbis terrarum con-
 „ fessu in medium attulisset.

a Jacobus Bidermannus lib. 1. de Vita & Gloria S. Ignatij, cap. 14. num. 80 post Ribadeneiram, Maffeum, Orlandinum.

b Ioannes Rho adversus inoprias & malignitatem libelli Pseudo-Constantiani de S. Ignatij Institutione, & Exercitijs Qui visumistu confirmat ex Historia Ioannis Polanci, de Vita & Societatis Ortu, c. 4. & ex Orlandini lib. 10: num. 60. & ex Adversarijs S. Ignatij, quæ supersunt Roma in Tabulario Societatis. & ex veterum imaginum fide,

AMATRIX CRVCIFIXI. §

fide, & ex Tabula Romani Altaris, in aede Professorum, quam Pontifex Urbanus VIII. de genu veneratus est, & religiose ab alijs colitur, in qua eadem representatur Historia.

II.

AMATOR CRVCIFIXI

Curat, ut in Insignibus, & Imaginibus
Scuti gentilitij emineat Crux, sub quâ
tuta lateat familia.

IGNATIUS Fundatori haud dubiè debet SOCIETAS IESV, quod in Scuto ejus gentilitio, ut sic appellemus Sigillum, magnum, parvum, minimum, & maximum, quo utuntur Superiores familiæ, ostendat imprimis tribus efformatum litteris nomen IESVS.

2.

IGNATIUS
LOIOLA
Hispanus.

Nomen cum violis, rosisque natum,

Nomen nectare dulcissimum beato.

Tum verò infernè tres Clavos habeat,
è fundo, ut è corde protuberantes : de-
nique quod supernè CRUX emineat. Cur
ita? quia, sensu Fundatoris,

SUB CRUCE TUTA LATET

SOCIETAS IESV.

Prisca superstitione, quò tutalateret ab hoste,
Mentitos voluit marmora ficta Deos.

Sic Siculi Cererem, Triviam coluistis Iones:
Templa sua Thebis Bacchus in urbe tulit.
Iuno Agamemnonias quondam est tutata My-
canas,

Ortaque ab antiqua Punica regna Tyro.